

Plenchi

Bèl a bati

TRINGG TRINGGG bèlèm..... TRINGG TRINGGG

bèlèm.....bèlèm....bèlèm.....yega yega pa nos por sinta riba nos plenchi.

Un felis djasbara pa bo. Kontentu ku un biaha mas bo ta ku nos riba nos plenchi. Danki na bo tur siman nos ta subi plenchi ku hopi alegria.

Kada minut ku nos pasa kontentu, ta kontribui na salú d nos mes. Den bo kompania, nos ta sinti nos kontentu. Kòrda pone un dushi músika pa alegrá bo kurason, mientras bo ta disfrutá di plenchi. Kòrda ku músika ta un masha bon medio pa relahá nos mente i kita strès. Nos welanan tabata kanta ora nan ta traha. Nan ta kanta mientras nan tabata laba paña, limpia kas, traha den kunuku. Traha rabiá i desgustá no ta benefisiá ni abo ni e trabou. Trabou hasi ku amor, masku kon difisil i duru ku e ta ta dunabu satisfakshon i ta duna resultado positivo.

Pues keña zundra, kritiká kada kos ta hasi mas daño na abo ku e ta hasi na esun ku bo ta kritiká. E ta trese negativismo i esei ta desastroso. Tin hende por papia henter dia riba kuantu kos nan a hasi awe. Kuantu desapunto nan tabatin. Pero asina tantu kos bon a pasa kompará ku esnan malu, pero esi nan no ta mira te pa nan kontanan. Kuminsá na bo mes pa bo mira kambio den bo bida. Purba no papia i keda ripití tur kontratiempo. Lanta mainta yama danki pa tur loke a bai bon. Ku bo a lanta foi kama. Ku bo tin salú, pa salú di kada ser kerí. Te hasta si bo ta malu lanta ku un kurason agradesí pa un dia mas i purba wak kiko si ta bai bon. Tuma distansha di esnan ku konstantemente ta kritiká, zundra i sulfurá. Nan ta strobabu di drenta un ambiente di progreso i di positivismo. Usa palabranan positivo i di gratitut, enbes di e palabranan di insultá, zundra i ofendé otro. Nan ta kome na abo mas ku nan ta kome na esnun ku bo ta dirigé ne.

Ban mi amigunan di plenchi, ban plama positivismo riba nos dushi Korsou. Pa nos bona i prosperá.

Riba roster

Maria Auxiliadora a organisá un dia habri pa mayornan dia 2 di novèmber último.

Mayornan a haña chèns pa sinta den klas di nan yu(nan) un ratu. Nan a partisipá na lès i asina haña un bista kon kosnan ta kana den klas. E alumnonan a a sinti nan orguyoso ku nan mayornan tabata presente. Asina aki skol ta keda stimulá i trahá riba partisipashon di mayor. E meta ta pa estrechá e laso entre skol, mayor i alumno. E pòtrètnan ta duna un bista di e mainta eksitoso aki. Tremendo inisiativa di Kolegio Maria Auxiliadora. Masha pabien ku boso bon trabou i pabien na tur mayor ku por a akudí na e dia aki.





Not'é riba bòrchi

Frater Evoniuschool a risibi bishita di un famia di e frater ku tin un skol ta karga su nòmber ku honor. Frater Evonius tabata konosí pa su manera di lesa pa otro skucha i tambe paso e ta un outor di Derde Stap. Sra. Inge a keda masha kontentu ku e manera ku skol a risibi'é.





E tim di dosente i hóbennan ku a hasi e bishita na Frater Evonius ekstra plasentero.

Den agènda

Fakansi di skol:

21 desèmber te ku 3 yanuari.

Selebrashon

Selebrashon hubilarionan di RK i brindis di aña nobo 11 di yanuari

Mi ta konta

Realidat di bida

Lo bo siña den transkurso di bo bida ku esun ku bo a kere ku nunca lo traishonabu, ta hasi'é.

Bo kurason lo kibra mas ku un biaha, pero kada bes e ta hasi mas doló.

Bo tambe lo kibra kurason di otro mas ku un bes, purba evitá ta kousante di dolor aki pa otro. Paso bo sa kiko e ta.

Lo bo pleita ku bo mihó amigu.

Lo bo kulpa bo frei aktual di kosnan ku bo èks a hasi.

Lo bo yora ora bo mira ku bo no por wanta oloshi i un ser kerí ta bai lagabu.

Pesei hari hopi, dediká tempu na bo sernan kerí, stimá manera nunca bo kurason no a kibra.

Kada minut ku bo pasa rabiá of iritá, ta un minut ku ta strobabu di ta kontentu. Bo no por rekuperá esaki mas.

Un prechi

Pabien na WE BELIEVE KIDS foundation i Glorieux College. We Believe Kids Foundation su proyekto di After school program/ Naschoolse programma a keda nombrá komo e mihó proyekto di boluntario den Caribe.

We Believe Kids Foundation a presentá kon nan a lanta i kon e naschoolse programma a bira un realidat. Nan a splika kon nan ta funshonando tambe ken a tuma inisiativa pa e proyekto bunita aki. Tur kos a kuminsá ku 2 persona ku un propósito, ku pashon i kurashi pa tuma inisiativa pa e Fundashon bira realidat. Nan a hasi hopi sakrifisio paso nan tin amor pa mucha. E amor aki a guia nan pa kumpli ku nan propósito, duna muchanan oportunitat pa nan por desaroyá. E sala kompletu tabata ku awa na wowo ora nan a tende e historia bunita aki.

Ku apenas 8 luna di trahando pa nos muchanan, e Fundashon su vishon a sobresalí di tal manera ku nan a keda skohé komo e proyekto di Caribe pa Oranje Fonds. For di e total di 8 proyekto ku a keda presentá.

Na yuni 2018 We BELIEVE KIDS FOUNDATION lo tin di partisipá pa e final na Hulanda .

Pabien na e fundador Raichel Sintjacoba i su tim pa un tremendo trabou. Danki na yufrou Solange ku ta un di dos motor bou di e proyekto aki na nòmber di skol.



Mucha djispou

Eunice: “Ma kumpra un buki ku yama ‘Siña ingles den 20 stap’.”

Jasper: “Hopi bon ki, dia bo ta kuminsá? Si e ta bon mi tambe ta kumpré.”

Eunice: “Awel, ma pone mi aparato pa midi stap. Keremi mi tin 2 dia ta kana i mester a yega 20.000 stap anto te ainda mi no sa nada nada. Ladron nan ta.”